

ուած եղաւ դէպի Վրաստան գաղթել: Վերջինս, որ Ախալքալաքը իր սեփականութիւնն էր համարում, որով ուրեմն՝ պարտք պիտի համարէր ընդունելու իր «հպատակ» գաղթականներին, յանձն առնելով նրանց խնամատարութիւնը, հանդէս բերաւ, ընդհակառակը, մի անօրինակ, դաժան վերաբերմունք նրանց հանդէպ:

Վրացական սոցիալ-դեմոկրատ կառավարութեան հրամանով՝ Ախալքալաքի բազմահազար հայութիւնը — ծերեր ու երիտասարդներ, ալրեր ու կիներ, հիւանդ թէ առողջ, ամէնքը, ամէնքը — այն էլ՝ ձմրան էն դաժան, ցրտաչափն զամիսներին — որպէս գառազեղի մէջ արգելափակուած պահուեցան Բակուրիանիի անտառապատ բարձունքներում, Ախալքալաքի գաւառին անմիջապէս կից վրացական այդ սահմանամերձ լեռնավայրում: Թոյլ չտըրուեցաւ եւ ո՛չ սքի՝ իջնել սարերից վար, դէպի Գորիի եւ վրացական ուրիշ հովիտներ, ուր դոնէ կլիմայական պայմանները մեղմ լինելով՝ գաղթական բազմութիւններից այնչափ զոհեր չպիտի խլուէին:

Կարծէք այդ քի՛չ էր: «Հայրախնամ» մենչեւիկ կառավարութիւնը զյացաւ մինչեւ իսկ՝ բժշկական, պարէնական եւ այլ կարգի օգնութիւն հասցնել «իր» Ախալքալաքի գաղթականներին, թողնելով որ սառույցի եւ ձիւների վերայ դիչերող «վրացական հպատակները» հարիւրներով եւ հազարներով զոհեր տան եւ եթէ չլինէր այդ ժամանակ Հայաստանի Հանրապետութեան կողմից (Վրաստանի Հայոց Ազգային Խորհուրդի միջոցով) ախալքալաքցիներին հասցնուող օգնութիւնը ալիւրով, դեղորայքով եւ այլն, զոհերի թիւը անտարակոյս կրկնակի եւ եռակի պիտի լինէր:

Զէ կարելի ասել, ի հարկէ, թէ նման խրատախրատ վերաբերմունքի պատճառը միջոցների չզոյւթիւնն էր Վրաստանի համար: Բնա՛ւ: Նա շատ, անհամեմատ աւելի՛ նպաստաւոր պայմաններում էր գտնուում, քան առանց այն էլ «գաղթականների երկիր» համարուած Հայաստանը: Ռուս կառավարութեան եւ բանակի թողած ահազին պաշարները մեծ մասով Վրաստանում էին կենտրոնացած: Վերջապէս նրա կոնակին չէր ծանրացած գաղթականական

հոգսը, քանի որ Վրաստանը ամենավատթար օրերին անգամ գաղթականութիւն չունեցաւ դրեթէ: Ուզում եմ ասել, որ նա նիւթական բոլոր հնարաւորութիւնները ունէր եւ պարտաւոր էր՝ Ախալքալաքի գաղթականներին օգնութիւն հասցնելու:

Եթէ ո՛չ մարդասիրական տարրական գիտակցութիւնից, գէթ քաղաքական, ողջմտութիւնից դրդուած՝ պէ՛տք է որ վրաց կառավարութիւնը ձեռք մեկնէր կոտորուող ախալքալաքցիներին, ցոյց տալով, որ նրանց հետ է գժրախտութեան օրերին, որպէսզի գէթ դրանով երեսասեղ ունենար՝ պատեհ առթիւ «հիմնաւորելու» իր «վեհապետական իրաւունքը» Ախալքալաքի վրայ: Եւ սակայն ժողովանիայի կառավարութիւնը այդ էլ չարաւ. նա հանդէս չբերաւ ո՛չ տարրական մարդասիրութիւն, չասելու համար եղբայրասիրութիւն, ո՛չ էլ՝ պետական-քաղաքական հեռատեսութիւն:

Աւելին դեռ. նոյն այդ «ընկերվարական» կառավարութիւնը — կասկածե՞լ պէտք է միթէ — վարում էր այդ քաղաքականութիւնը «սեփական հպատակների» վերաբերմամբ՝ միանգամայն դիտակցաբար, սառը դատողութեամբ եւ թուարանական հաշիւներ անելով: Ի տես այն փաստի, որ Ախալքալաքի ազգաբնակչութեան ճնշող մեծամասնութիւնը հայերից է բաղկացած, որ՝ բնականաբար՝ նոյն այդ գաւառը Հայաստանին կցուելու օգտին պիտի արտայայտուէր եւ արտայայտու՛մ էլ էր, վերացի ազգայնամոլ վարիչները — ընկերվարական յորջորջուէին նրանք թէ ոչ, տարբերութիւն չէ՛ր մնացել արդէն նրանց մէջ — պատեհ առիթ էին համարում Զաւախքի հայութեան ողբերգութիւնը Բակուրիանիի բարձունքներին, որ բնութեան առթած (մարդ-արարածների՛ ձեռքով) կոտորածը, «արիւն առնելը» ախալքալաքցիի երակից՝ նուազեցնէ՛ նրա բացարձակ եւ տոկոսական քանակը, նուազեցնելու՛ համար նաեւ՝ ազգային եւ քաղաքական կշիռը Ախալքալաքի հարցը լուծելում:

Ուե՛է ուրիշ բացատրութիւն անկարելի՛ է տալ:

Նոյն այդ նպատակն էր հետապնդում, ինչպէս նաեւ ա՛ռհասարակ Հայաստանի կառավարութեան վրայ քաղաքական ճնշում դործ